

Safaris ehf  
Selásbletti 18a  
110 Reykjavík

Reykjavík, 30. apríl 2021  
UST202103-415/Þ.V.B.  
09.06.01

## Umsókn um leyfi til ljósmyndatöku - Snæfellsjökull

Umhverfisstofnun hefur móttengið umsókn Safaris ehf, dagsett 25. mars 2021, um leyfi til ljósmyndatöku á Snæfellsjökli.

Þjóðgarðurinn Snæfellsjökull er friðlýstur sbr. reglugerð nr. 568/2001. Hvers konar atvinnustarfsemi og samkomuhald er óheimil í þjóðgarðinum, nema til komi sérstakt leyfi Umhverfisstofnunar sbr. 17. gr. reglugerðarinnar. Mannvirkjagerð, efnistaka og hverskonar annað jarðrask er óheimilt nema til komi sérstakt leyfi Umhverfisstofnunar sbr. 18. gr. reglugerðarinnar. Rannsóknir á náttúrufari og menningarminjum í þjóðgarðinum eru háðar leyfi Umhverfisstofnunar sbr. 20. gr. reglugerðarinnar.

### *Lýsing verkefnis:*

Sótt er um leyfi til að ljósmynda bíl sem verður lagt við topp Snæfellsjökuls. Bíllinn verður fluttur á jökulinn með vörubíl eða öðru sambærilegu farartæki að tókustað. Ljósmyndari og starfsmenn verða í öðrum bíl. Dróni verður notaður í tókurnar og mun hann fljúga í 50-80 metra hæð yfir bílnum. Áætlað er að tókur fari fram 15. ágúst 2021 og taki einn dag. Nokkrum vikum fyrir tókudag verður farið á svæðið til að skoða hvar hægt sé að koma bílnum á jökulinn frá Jökulhálsinum.

### *Áhrifamat:*

Umhverfisstofnun metur verkefnið ekki líklegt til að hafa neikvæð áhrif á verndaragildi svæðisins en gestir gætu orðið fyrir einhverjum truflunum vegna hávaða frá tækjum. Umhverfisstofnun metur að sé farið eftir skilyrðum leyfis sé hægt að draga úr neikvæðum áhrifum verkefnisins.

### *Skilyrði:*

Umhverfisstofnun veitir Safari ehf, fyrir sitt leyti leyfi fyrir ljósmyndatöku á Snæfellsjökli sbr. lýsingu hér að ofan þann 15. ágúst 2021 að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur með að minnsta kosti sólarhrings fyrirvara.
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Virða skal umgengisreglur sem gilda um svæðið.

- Vandað verði við frágang eftir að verki lýkur.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Myndatökuliðið skal sýna öðrum gestum svæðisins tillitssemi og tryggja að tókurnar valdi eins litlu ónæði og hægt er.
- Ef myndefnið er ætlað til birtingar opinberlega skal það tekið fram í myndbandinu/myndatexta að leyfi Umhverfisstofnunar hafi fengist fyrir kvikmyndatökunni innan hins friðlýsta svæðis.
- Starfsmenn verkefnisins gangi snyrtilega um svæðið og forðist allt rask og þess gætt að allur úrgangur verði fjarlægður.
- Aka skal tækjum sem notuð verða við verkefnið stystu leið frá jökulrótum að áfangastað á jöklinum, stöðva vélar ökutækja á skipti- og áfangastöðum og aka með gát í grennd við göngufólk og aðra gesti þjóðgarðsins. Forðast skal að þenja vélar. Hraðakstur er óheimill í nágrenni við göngufólk.
- Farartæki skulu halda sig við sömu leið og forðast ber óþarfa slóðamyndun og rask. Ekki skal ýta til snjó nema öryggi krefjist þess og þá í óverulegu magni.
- Ekki skal aka að jöklinum nema á skilgreindum slóða sé hann til staðar ef jörð er ófrosin og snjólaus.
- Leiðarval af Jökulhálsinum að jökulsporðinum skal að öðrum kosti vera í samráði við þjóðgarðsvörð.
- Allur akstur utan vega er bannaður nema á jöklinum sjálfum.
- Gæta skal að mengunarvörnum farartækja og þess gætt að mengandi vökvi berist ekki í jarðveg/vatn. Berist olía eða glussi í snjó skal hann fjarlægður af jöklinum samstundis og tekin með til byggða.
- Aldrei skal að fljúga ómönnuðu loftfari í nágrenni og yfir fólki og forðast skal að trufla friðsæld svæðisins og upplifun gesta, öryggi þeirra og persónuvernd eins og hægt er.
- Stjórnandi/eigandi hins ómannaða loftfars ber ábyrgð á loftfarinu á svæðinu, að það skaði ekki fólk, eða náttúruna og það skilji ekki eftir sig varanleg ummerki á neinn hátt. Ekki skal skilja eftir hluta loftfarsins á svæðinu heldur finna og endurheimta loftfarið og alla hluta þess ef það brotlendir eða bilar.
- Af öryggisástæðum skal sá sem stjórnar ómönnuðu loftfari klæðast merktum fatnaði svo hægt sé að auðkenna viðkomandi.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Umhverfisstofnun mælist til þess að taka skuli á loft og lenda ómönnuðu loftfari í öruggri fjarlægð frá gestum svæðisins skv. reglugerð um ómönnuð loftför nr. 990/2017

Að öðru leyti skal haga flugi ómannaðra loftfari í samræmi við reglugerð nr. 990/2017, um starfrækslu fjarstýrðra loftfara.

Umhverfisstofnun bendir á að dróna sem notaðir eru í atvinnuskyni þarf að skrá sérstaklega hjá Samgöngustofu.

Komi til þess að jökullinn sé varasamur vegna jökulsprunga þegar áætlað er að tókur fari fram mælir Umhverfisstofnun gegn því að farið sé á jökulinn við þær aðstæður. Verkefnið er eftir sem áður alltaf á ábyrgð framkvæmdaraðila.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

***Leyfisgjald:***

Umhverfisstofnun hefur nú innheimt gjald fyrir vinnslu og afgreiðslu umsókna um leyfi á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um kvikmyndagerð og/eða ljósmyndatöku er kr. 52.600.- sbr. 24. gr. b. gjaldskrá Umhverfisstofnunar nr. 535/2015.

***Eftirlit:***

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllst

Jón Björnsson  
þjóðgarðsvörður

Þórdís Vilhelmína Bragadóttir  
sérfræðingur